

„Хальмг үнн“ газетин нертä мөрä

„Хальмг үнн“ газетин редакц, физкультурин болн спортин таньгъчин комитетлā хамдан газетин нертä мөрä футбол наадлгъар бүрдäсмн.

Эн мөрäд 1957 джил 53 команд орлццхала. Нидн джил апрель болн май сарин туршар болсн эн ик маргъана ашднь, Прикаспийск загъсна комбинатин футболистнр эн маргъаг шүүлā. Западн района Кировск дундин школин сургъульчнр 2-ч орм авсн.

Эн джил „Хальмг үнн“ газетин нертä мөрäд урдкасн олн команд орлцдж ноолдхмн. Апрельин чилгчär мана таньгъчин райод болгънд эн дөрлдäнд эклв. Эн маргъан май сарин туршар болхмн.

Райодин маргъа шүүсн командсин хоорндк ноолдан майин 25-с авн эклхмн.

Таньгъчин райод 3 багт хувагдджана: 1-ч баг—Черноземельск, Яшкульск, Приютненск райод болн Элст балгъсн; 2-ч баг—Юстинск, Сарпинск болн Западн райод; 3-ч баг—Приозерн, Целинн болн Яшал-

тинск райод. Майин 25-д Черноземельск района команд Яшкульд ирдж наадхмн, Юстинск района—Сарпинск районд наадхмн, Приозерн района—Целинн районд, Приютненск района—Элстд наадхмн.

Майин 28-д Западн район болн Яшалтинск район цаарандан болх дөрлдäнд орлцхмн.

Нидн джил „Хальмг үнн“ газетин нертä мөрä шүүсн Каспийск района команд майин 30-с авн эклх маргъана чилгч нааднд орлцхмн. Эднлā хамдан 3 багмудас негдгч орм авсн командс Элстд ирдж, чилгч нааднд дөрлдцхāхмн. Эн дөрвн командс негдгч орм авсн команд—„Хальмг үнн“ газетин нертä мөрä авхмн.

Эн мөрä шүүсн команд мана таньгъчин нериг Ставропольск крайд оч харсхмн.

Футболистнрт ик дамшлтта болн сāәнär наадг болхднь иим маргъан ик дөнъ-тус болх мөн.

ГУЧНА Мацг,

физкультурин болн спортин таньгъчин комитетин ахлач.